

## ÁKVÖRÐUN FRAMKVÆMDASTJÓRNARINNAR

2001/EES/57/25

frá 27. mars 2000

um aðferð við staðfestingu á samræmi byggingarvara samkvæmt 2. mgr. 20. gr. tilskipunar ráðsins 89/106/EBE að því er varðar sjö vörur sem veita á evrópskt tæknisamþykki án viðmiðunarreglna(\*)

(tilkynnt með númeri C(2000) 668)

(2000/273/EB)

FRAMKVÆMDASTJÓRN EVRÓPUBANDALAGANNA  
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 89/106/EBE frá 21. desember 1988 um samræmingu á lögum og stjórn-sýslufyrirmælum aðildarríkjanna um byggingarvörur <sup>(1)</sup>, eins og henni var breytt með tilskipun 93/68/EBE <sup>(2)</sup>, einkum 4. mgr. 13. gr.,

og að teknu tilliti til eftirfarandi:

1) Þegar staðfesta á samræmi vöru, skal framkvæmdastjórnin velja á milli aðferðanna tveggja sem kveðið er á um í 3. mgr. 13. gr. tilskipunar 89/106/EBE og velja „auðveldustu aðferðina af þeim sem samrýmast öryggissjónarmiðum“. Þetta merkir að nauðsynlegt er að ákveða, með tilliti til ákveðinnar vöru, hvort framleiðslustýringarkerfi í verksmiðju, sem framleiðandi ber ábyrgð á, er nauðsynlegt og fullnægjandi skilyrði fyrir staðfestingu á samræmi eða hvort þörf er á afskiptum viðurkennds vottunaraðila af ástæðum er varða samræmi við viðmiðanirnar sem um getur í 4. mgr. 13. gr.

2) Samkvæmt 4. mgr. 13. gr. skal aðferðin, sem þannig er valin, tilgreind í umboðunum og tækniforskriftunum. Því er æskilegt að tilgreina þær vörur sem um getur í tækniforskriftunum.

3) Aðferðunum tveimur, sem kveðið er á um í 3. mgr. 13. gr., er lýst ítarlega í III. viðauka við tilskipun 89/106/EBE. Því er nauðsynlegt að tilgreina með skýrum hætti, með hliðsjón af III. viðauka, hvernig þessum tveimur aðferðum skuli beitt, að því er varðar hverja vöru, þar eð ákveðin kerfi eru tekin fram yfir önnur í III. viðauka.

4) Aðferðin, sem um getur í a-lið 3. mgr. 13. gr., svarar til kerfanna sem eru tilgreind í fyrsta kosti, án stöðugs eftirlits, og í öðrum og þriðja kosti í ii-lið 2. þáttar í III. viðauka. Aðferðin, sem um getur í b-lið 3. mgr. 13. gr., svarar til kerfanna sem eru tilgreind í i-lið 2. þáttar III. viðauka og í fyrsta kosti í ii-lið 2. þáttar í III. viðauka með stöðugu eftirliti.

5) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um byggingarmál.

SAMÞYKKT ÁKVÖRDUN ÞESSA:

1. gr.

Staðfesta skal samræmi vara, sem eru tilgreindar í I. viðauka, með aðferð þar sem framleiðandinn ber einn ábyrgð á framleiðslustýringarkerfi í verksmiðju sem tryggir að vara sé í samræmi við viðeigandi tækniforskriftir.

(\*) Þessi EB-gerð, sem birtist í Stjtið. EB L 86, 7.4.2000, bls. 15, var nefnd í ákvörðun sameiginlegu EES-nefndarinnar nr. 14/2001 frá 23. febrúar 2001 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn. Sjá EES-viðbæti við Stjórnartíðindi Evrópubandalaganna nr. 22, 26.4.2001, bls. 7.

<sup>(1)</sup> Stjtið. EB L 40, 11.2.1989, bls. 12.

<sup>(2)</sup> Stjtið. EB L 220, 30.8.1993, bls. 1.

*2. gr.*

Staðfesta skal samræmi vara, sem eru tilgreindar í II. viðauka, með aðferð þar sem gert er ráð fyrir, til viðbótar við framleiðslustýringarkerfi í verksmíðjunni sem framleiðandinn starfrækir, þátttöku viðurkennds vottunaraðila við mat og eftirlit með framleiðslustýringunni eða vörunni sjálfri.

*3. gr.*

Tilgreina skal aðferðina, sem nota skal til að staðfesta samræmi eins og fram kemur í III. viðauka, í viðkomandi evrópsku tæknisamþykki.

*4. gr.*

Ákvörðun þessari er beint til aðildarríkjanna.

Gjört í Brussel 27. mars 2000.

*Fyrir hönd framkvæmdastjórnarinnar,*

Erkki LIIKANEN

*framkvæmdastjóri.*

---

*I. VIÐAUKI***Samstaður til að einangra fljótandi gólf gegn titringi og högghljóðum (Evrópusamtök um tæknisamþykki (EOTA) tilv. 05.03/03):**

Til notkunar, að undanskilinni þeirri notkun sem heyrir undir reglur um brunaviðbrögð að því er varðar vörur úr efnum í flokkum A<sub>FL</sub> (\*), B<sub>FL</sub> (\*) og C<sub>FL</sub> (\*).

**Samstaður til að einangra vegg gegn titringi og hávaða (EOTA tilv. 06.01/09):**

Til notkunar, að undanskilinni þeirri notkun sem heyrir undir reglur um brunaviðbrögð að því er varðar vörur úr efnum í flokkum A (\*), B (\*) og C (\*).

**Veggplötur úr ryðfriú stáli (EOTA tilv. 06.04/04)****Vatnslás fyrir fráveitukerfi (waste water trap kit) (EOTA tilv. 07.04/04)**

---

(\*) Efni sem geta breyst, hvað nothæfi varðar, með tilliti til viðbragða við bruna, á meðan á framleiðsluferlinu stendur. (Yfirleitt er um að ræða byggingarvörur sem verða fyrir efnabreytingum, til dæmis eldvarnarefni, eða byggingarvörur þar sem breyting á samsetningu getur leitt til breytinga á nothæfi með tilliti til viðbragða við bruna).

*II. VIÐAUKI***Samtæður til að einangra fljótandi gólf gegn titringi og högghljóðum (EOTA tilv. 05.03/03):**

Til notkunar sem heyrir undir reglur um brunaviðbrögð að því er varðar vörur úr efnum í flokkum A<sub>FL</sub> (\*), B<sub>FL</sub> (\*) og C<sub>FL</sub> (\*)

**Samtæður til að einangra veggj gegn titringi og hávaða (EOTA tilv. 06.01/09):**

Til notkunar sem heyrir undir reglur um brunaviðbrögð að því er varðar vörur úr efnum í flokkum A (\*), B (\*) og C (\*).

**U-prófilar til festinga (channel bars) (EOTA tilv. 06.01/01)****Efnafræðileg festingarkerfi (chemical anchoring kit) (EOTA tilv. 06.01/11)****Epoxysteinsteypu-glertrefjastyrktar pólýestra-epoxý-múrfestingar (EOTA tilv. 06.03/03)**

---

---

(\*) Efni sem geta breyst, hvað nothæfi varðar, með tilliti til viðbragða við bruna, á meðan á framleiðsluferlinu stendur. (Yfirleitt er um að ræða byggingarvörur sem verða fyrir efnabreytingum, til dæmis eldvarnarefni, eða byggingarvörur þar sem breyting á samsetningu getur leitt til breytinga á nothæfi með tilliti til viðbragða við bruna).

## III. VIÐAUKI

## STAÐFESTING Á SAMRÆMI

*Athugasemd:* Vegna vara/samstæðna, sem hafa fleiri en eitt þeirra áformuðu notkunargilda, sem eru tilgreind í eftirtöldum vöruflokkum, safnast verkefnið upp sem viðurkenndur aðili tekst á hendur í tengslum við viðkomandi kerfi til staðfestingar á samræmi.

## VÖRUHÓPUR

## SJÓ VÖRUR SEM VEITA Á EVRÓPSKT TÆKNISAMÞYKKI (1/2)

## Kerfi til staðfestingar á samræmi

Fyrir þær vörur og þau áformuðu not, sem eru talin upp hér að aftan, eru Evrópusamtökin um tæknisamþykki beðin að tilgreina eftirfarandi kerfi til staðfestingar á samræmi í viðeigandi evrópsku tæknisamþykki:

Vara/vörur	Áformuð not	Stig eða flokkar	Kerfi til staðfestingar á samræmi
<b>U-prófilar til festinga (EOTA tilv. 06.01/01)</b> <b>Efnafræðileg festingarkerfi (EOTA tilv. 06.01/11)</b>	til festinga	—	1
<b>Epoxysteinsteypu-glertrefjastyrktar pólýestra-epoxy-múrfestingar (EOTA tilv. 06.03/03)</b>	til viðgerða á burðarvirki	—	1
<b>Veggplötur úr ryðfríu stáli (EOTA tilv. 06.04/04)</b>	til notkunar í múrsteinsveggi	—	3
<b>Samstæður til að einangra fljótandi gólf gegn titringi og högghljóðum (EOTA tilv. 05.03/03)</b> <b>Samstæður til að einangra vegg gegn titringi og hávaða (EOTA tilv. 06.01/09)</b>	til notkunar innandyra	—	3
<b>Vatnslás fyrir fráveitukerfi (EOTA tilv. 07.04/04)</b>	til notkunar innandyra	—	4

1. kerfi: Sjá tilskipun 89/106/EBE, i-lið 2. þáttar III. viðauka, án úttektarprófunar á sýnum.

3. kerfi: Sjá tilskipun 89/106/EBE, annan kost í ii-lið 2. þáttar III. viðauka.

4. kerfi: Sjá tilskipun 89/106/EBE, þriðja kost í ii-lið 2. þáttar III. viðauka.

Forskriftn fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi tiltekins eiginleika þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3 í grunnskjöllum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnum.

## VÖRUHÓPUR

## SJÓ VÖRUR SEM VEITA Á EVRÓPSKT TÆKNISAMÞYKKI (2/2)

## Kerfi til staðfestingar á samræmi

Fyrir þær vörur og þau áformuðu not, sem eru talin upp hér að aftan, eru Evrópusamtökin um tæknisamþykki beðin að tilgreina eftirfarandi kerfi til staðfestingar á samræmi í viðeigandi evrópsku tæknisamþykki:

Vara/vörur	Áformuð not	Stig eða flokkar	Kerfi til staðfestingar á samræmi
<b>Samstæður til einangrunar á fljótandi gólfum gegn titringi og högghljóðum (EOTA tilv. 05.03/03)</b> <b>Samstæður til einangrunar á veggjum gegn titringi og hávaða (EOTA tilv. 06.01/09)</b>	til notkunar sem heyrir undir reglur um brunaviðbrögð	A (*), B (*), C (*) A <sub>FL</sub> (*), B <sub>FL</sub> (*), C <sub>FL</sub> (*)	1
		A (**), B (**), C (**) A <sub>FL</sub> (**), B <sub>FL</sub> (**), C <sub>FL</sub> (**)	3
		A (***), D, E, F A <sub>FL</sub> (***), D <sub>FL</sub> , E <sub>FL</sub> , F <sub>FL</sub>	4

1. kerfi: Sjá tilskipun 89/106/EBE, i-lið 2. þáttar III. viðauka, án úttektarprófunar á sýnum.

3. kerfi: Sjá tilskipun 89/106/EBE, annan kost í ii-lið 2. þáttar III. viðauka.

4. kerfi: Sjá tilskipun 89/106/EBE, þriðja kost í ii-lið 2. þáttar III. viðauka.

(\*) Efni sem geta breyst, hvað nothæfi varðar, með tilliti til viðbragða við bruna, á meðan á framleiðsluferlinu stendur. (Yfirleitt er um að ræða byggingarvörur sem verða fyrir efnabreytingum, til dæmis eldvarnarefni, eða byggingarvörur þar sem breyting á samsetningu getur leitt til breytinga á nothæfi með tilliti til viðbragða við bruna).

(\*\*) Efni sem ekki breytast, hvað nothæfi varðar, með tilliti til viðbragða við bruna, meðan á framleiðsluferlinu stendur.

(\*\*\*) Efni í A-flokki en samkvæmt tilskipun 96/603/EB er þess ekki krafist að þau séu prófuð með tilliti til brunaviðbragða.

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi tiltekins eiginleika þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3 í grunnskjólunum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnum.